

շարժառիթը մեծ մասամբ լինում է ծնողների անհամաձայնութիւնն աղջկայ ամուսնութեան հարցում: Երբեմն էլ պատահում է, որ այդ շարժառիթը — աղջկայ հօր անհամաձայնութիւնն է լինում. այս դէպքում աղջկայ մայրը դառնում է առեանդման մասնակից: Երիտասարդը նախօրօք պայմանաւորուելով փախուստի վերաբերմամբ աղջկայ հետ, ստանում է սրանից մատանի կամ մի օրեւ թանգազին բան իբրև գրաւական: Առեանդողը գալիս է իւր ընկերներով (մօտաւորապէս 10 հոգի), բոլորը զինուած: Մօտենալով աղջկայ տանը և յարմար ժամանակ ընտրելով, յարձակումն է գործում երթիկից ի վայր, յափշտակում աղջկան և հեծնելով ձին, փախչում է ընկերների օգնութեամբ: Առեանդողը փախցնում է աղջկան սովորաբար օրեւ հարեան գիւղ, իւր ընկերոջ մօտ և այնտեղ պիշերը պարկում նրա հետ: Այնուհետև երիտասարդն ու աղջիկը շտապում են ծածկել իրենց վարմունքը եկեղեցական պրսակով, որ տեղի է ունենում 2—3 օրից յետոյ, ամենաուշ մի շաբաթից յետոյ, եթէ ի հարկէ եկեղեցու կողմից ոչ մի արդեւք չի լինում: Հակառակ դէպքում նորա ապրում են ապօրինի կենակցութեամբ»¹⁾:

Ախալքալաքի գաւառում դեռ ևս պահպանւում է աղջիկ փախցնելու սովորութիւնն և որա գլխաւոր շարժառիթը համարւում է «հաղեմասին»²⁾:

Վարանդայում «դեռ մինչև այսօր էլ յաճախ պատահում է, երբ մի երիտասարդի մերժում են տալ իւր սիրած աղջիկը, որի պատճառը սովորաբար երիտասարդի ստոր գերդաստանից, կամ աղքատ լինելն է լինում, վերջինս հաւաքելով իւր մի քանի մտերիմ ընկերները՝ փախցնում է աղջկան: Շատ անգամ առնելով աղջկայ համաձայնութիւնը, և ժամագիր լինելով նրա հետ, երիտասարդը ձիու գաւակն է

¹⁾ „Этнографическое Обзорѣніе“ 1889 г. № 1—Свадебные обряды у ахалцыхскихъ армянъ.

²⁾ «Ազգագրական Հանդէս» գիրք Ա. 1896 թ. Ջաւախք՝ Ե. Կալայիանի: